

◎歷朝憲章類誌卷之九

潘輝注著

▲人物誌

●名良之將 李時二人 陳時四人 黎十人

黎奉曉 愛州冰山鄉人今弘化縣陽山社少雄勇嘗與旁邑潭舍衆戰。聳身拔樹橫擊。傷損者多。衆人俱不敢近。李太祖聞其名。因以爲將。遷武衛將軍。太祖崩。東征翊聖。武德三王伏兵構變。奉曉率衛士出戰。拔劍直趨獲武德王殺之。令官軍追勦三府兵還奉太宗卽位。太宗執手勞之曰。吾所以克荷先帝之丕基。全父母之遺體。卿之力也。吾嘗觀唐史見尉遲敬德匡君之難。自謂後世人臣無可比者。今日遭變。乃知奉曉忠勇過敬德遠矣。尋拜都統上將軍侯秩。天感聖武。中從太宗南征。爲前鋒。大破虜軍。名振藩國。凱還定功。奉曉曰。不欲爵賞。願得立冰山遠擲大刀。驗刀墜地。內賜以作業。從之。詔以冰山田千餘畝給爲私田。許其子孫奉香火以旌其功。沒後。邑人祠之。奉爲福神。

李常傑 昇龍太和坊人。少以資貌揚逸。淨身充黃門祗候。侍太宗累遷內省都知。聖宗拜太保。授節鉞。天貺寶象二年。聖宗征占城。爲前鋒將軍。俘獲制矩。以功拜輔國太傅。遙授諸鎮節度同中書門下上柱國。天子義弟。輔國上將軍。開國公。仁宗太寧四年。與宗亶伐宋。領十萬兵分進攻欽廉州。陷之。宋廣西都監張守節將兵來救。常傑迎擊於岷崙關。大破之。斬守節于陣。乃屠邕州。俘虜餘民而還。是役也。提重兵入客地。宋人懾不敢動。聲勢震薄。爲古今武功第一。旣還。總諸軍入占城。畫三州圖以進。以功陞大尉。五年。宋遣郭達。總九將合占臘來侵。常傑迎擊于如月江。大破之。龍符元年。進兼內侍判首都押衙行殿内外都知事。三年。演州人李覺叛。又討平之。覺亡入占誘占主寇邊。

四年復伐占城。破之。五年卒。贈入內殿都知檢校太尉平章軍國重事越國公。食邑萬戶。常傑多謀略。有將帥才。歷事三朝。敗宋平占。勳望日重。親寵爲諸臣冠。卒後。其坊民祀爲福神。祈禱多應。累蒙歷朝褒封云。

按李朝名將。惟奉曉常傑爲最。其定難之功。開邊之烈。章可紀。真是不愧名良。他如陶甘沐之翊運。宗亶之臨戎。雖有一時勳績。而籌略不顯。歟。歷無徵。今故不錄云。

陳國峻 陳朝安生王子。相傳青山童子降誕。柳夫人夢一童子穿青衣投懷。醒覺遂有娠而生。少時有相之曰。他日經邦濟世。及長容貌雄偉。聰明過人。博習羣書。有文武全才。常獲兵家妙理要略。又集諸家兵法爲八卦九宮圖。名曰萬劫私書。以授諸將。紹寶間。元峻都脫驥領兵五十萬來侵。勢甚猖狂。仁宗進封爲國公。命節制水步諸軍。會諸王兵于萬劫。賊兵犯京師。陳船自大黃江而上。兩岸皆滿。公設奇夾攻大破之。斬峻都于西結。追襲脫驥于萬劫。元人大潰北歸。重興二年。元復議大舉南侵。帝問公曰。今年賊勢如何。對曰。我國太平日久。民不知兵。是以年前元人入寇。或有降避。賴祖宗顯靈。克清胡塵。若彼又來。我士習於攻戰。彼軍憚於遠行。以臣觀之。破賊必矣。帝乃命總督諸王侯宗室調兵械造船艦。三年。元鎮南王脫驥平章烏馬兒提七萬兵來侵。邊吏以聞。帝問曰。賊至如何。公對曰。今年賊閑。乃命諸禁軍守各關隘。賊至分擊敗之。元兵食盡計窮。謀退。公先令植椿於白藤江。覆草其上。蔽之以待馬兒等軍。遂公令乘潮漲挑戰佯北。賊悉衆來追。水落船盡。膠官軍縱擊大敗之。元軍溺死者不可勝計。江水爲赤。擒烏馬兒及其將阮伯齡等。斬之。兩破元兵。勳烈蓋世。名聞北虜。每稱安南國興道王而不名。聖宗嘗制生祠碑文。以擬尚父。雖位望隆重。而秉信守謙。

忠誠顯著。扈駕時。杖未有錙。衆皆側目。公卽抽去其錙。但持空杖。人情乃安。帝以其大勳勞加上國公許專與封爵。公未嘗與一人常令富戶發粟給軍止。與爲假郎將。其謹守臣節如此。又能爲國薦賢。張漢超。范五老諸人皆出其門。以文章政事名世。及病。英宗幸其第。問以後事。對以寬民力爲深根固本之計。此守國之上策。沒後贈興道大王。靈萬刲廟宇儼然。有寇警。至告其祠匣劍鳴。必大捷。國人婦人被伯齡爲祟。謂之犯顏魔。往往詣祠換席布諸病人床。其病輒愈。鄧脫軒詠詩有云。生逢家釁勉輸忠。懋建重興第一功。沒後餘威摧北虜。倚天長劍夜鳴風。靈聲顯跡累奉歷朝褒贈云。

陳日燏 太宗第六子。未生時有道士爲帝求嗣。夢上帝命昭文童子降。生已而公生。脣邊有昭文字。因以爲號。既長。性聰明多智略。涉獵書史。尤善於料敵。紹寶末。鎮守宣光。元兵犯收物。公沿流而下。見兩岸追兵徐行。知下流必有橫截。亟遣人視之。果然。乃引軍登陸。虜謀卒沮。重興間。元兵再來。與興道王叶謀禦敵。拒元于鹹子關。時北虜來意甚銳。期以蕩平。公謀帥官軍逆擊。先奪其氣。乃令本軍挾宋之亡人者衣宋衣。執弓矢以戰。鼓勇向前。元人驚疑。以爲有宋助。遂潰。由是敵情消散。不敢肆抄掠。故敗元之役。公功爲居多焉。重興論戰功稱首。歷封佐聖太師昭文王。開祐三年卒。年七十七。爲人有雅量。喜怒不形於色。通佛典。曉音律。時以該博稱。朝廷制作多出其手。尤通諸藩語。對宋客講話終日。占人雜蠻及冊馬賜國使。至各以國俗接之。與之語。仁宗嘗稱爲藩落人後身。以親王之貴。歷事四朝。三領巨鎮。家居無日不闢倡優作戲樂。或比之唐郭子儀云。

范五老 唐豪扶擁人。年踰弱冠。興道王見而奇之。妻以養女。薦之材器絕倫。雖出身戎行。而頗好讀書。倜儻有大志。仁宗時管右衛聖翊軍。英宗興隆二年。從上皇征。哀牢逆戰敗之。賜金符五年。

卷九 人物誌

名良之將

陳

四

擊哀牢于搖龍江。賜雲符六年進右衛金吾大將軍七年拜親衛將軍兼管隆興府天屬軍九年又破哀牢于芒枚陞親衛大將軍賜軍。賜飛魚符十年討逆臣貶克之拜屬帥賜虎符明宗大慶五年占城來侵縱擊大敗之拜關內侯賜飛魚符七年卒年六十六上輟朝五日五老治軍有紀律待將校如家人與士卒同甘苦所領軍必爲父子之兵故所至莫敢當焉凡戰伐所得必以充軍儲視財貨泊如也頗喜吟詠常有詩云橫。沿。江。山。恰。幾。秋。三。軍。貌。虎。氣。吞。牛。男。兒。未。了。功。名。債。羞。向。人。間。說。武。侯。勳業顯著爲一代良將云卒後人卽故宅爲祠頗著靈蹟累朝敕封顯秩預祀典。

陳慶餘至靈人以宗室封仁惠王元人初寇時慶餘嘗乘間襲擊聖宗嘉其智勇封爲天子義勇後討山蠻大捷拜驃騎大將軍驃騎非皇子不與慶餘以義男得授尤稱優寵復自侯秩累遷紫服上位侯擢爲判首後負累罷職退居至靈舊業以賣炭爲藝紹寶中元兵來侵仁宗幸平灘駐蹕望見炭船命召之慶餘掉漁舟蓑笠而入謁上曰男兒落魄至此詔免罪賜以御服令坐議兵事多脗合復以爲副都將軍賊平乃進封爵重興初爲雲屯副將元兵再來時興道王以邊務委之初戰少利度虜船已過運船必在後乃收敗卒待之少頃元運將張文虎糧船十七萬石果至慶餘邀擊賊大敗至綠水洋又敗之米船並沉于海俘其士卒及軍資器械其多文虎僅以身免元人旣失資糧軍乏食分道入山求糧日益困迫皆思歸無鬪志故是年克敵百姓不至於瘡痍者慶餘之功大焉性頗貪吝初鎮雲屯時其俗服用皆循北習慶餘閱諸庄軍宣令鎮軍不可戴北笠宜用麻雷笠以別之時已令家人預買發賣價貴稍至直布一疋北客賀詩有雲屯鷄犬亦皆驚之句蓋托以驚服盛名而實陰嘲之也帝以其有將才多大功故不之間歿後廟在靈江津次有石几長二尺靈異人不敢近。

按有陳名將。如興道王誠爲間世挺生。兼文武優智勇。樹立奇偉而杖忠安義。又是汾陽一流。蓋不特爲一代之英。寔古今將臣之所罕及者。其次如昭文之英猷雅量。左右攸宜。五老之橫矯賦詩膚公迭奏允宜保譽始終。著名彪炳。總之不愧名臣。惟慶餘小疵有玷名望。不無殊別。然其料敵之謀。破敵之績。寔爲奇功可錄。故亦附載之云。

黎列 藍山翠掄柵人。本姓丁。賜國姓黎。太祖外甥也。與兄禮同事太祖。首應義兵。以肺腑之親。參侍左右。崎嶇山嶺。扞禦艱危。戰功甚多。歲甲辰。帝拔茶麟州。將攻久安城。而明將大舉水步俱至。帝乃分兵與列。令間道襲擊。大破之。帝既進圍東都。禮戰歿於渭洞。帝悼甚。封列爲入內少尉亞侯。及柳昇來侵。遣隨司馬黎察馳赴支稜禦之。與諸將併力破殺昇。盡俘其軍。順天元年。領鐵突次首軍。從隴崖有功者。列預第一功。封推忠贊治叶謀正保功臣榮祿大夫。金吾衛大將軍。爵上智字。

二年策功臣封亭上侯。五年進入內司馬參預朝政。紹平元年。以占人蠹動。命總督乂安新安順化諸軍。往新安順化地方巡哨。將校軍人臨戰違命。及懷二却退。聽先斬後奏。列至化州。會化州蠻道成爲道諭所攻。來乞援。列引兵助擊之。得人口千餘。象數千隻。以歸。仁宗太和二年。爲太傅。有譖之者。太后令糜之尋赦出。延寧間。復爲太保。諒山王弒逆。列與阮熾。黎陵率諸舊臣倡義誅逆。黨奉迎聖宗卽位。光順元年六月。進開府儀同三司。平章軍國重事。入內太傅。亞郡侯。其制文略曰。具官某早以肺腑之親。出應風雲之會。墳鳴箋。應諒難。弟以難。兄廟算邊籌。並爲將而爲相。進退之際。休戚攸同。貫一節於險夷。忠貞日篤。受兩朝之顧命。弼亮功多。允爲社稷之臣。均重鈞衡之寄。勳庸益茂。遐邇具瞻。雖青蠅營營。構讒言之罔極。而赤鳥几。知德音之不瑕。蓋天惟欲治平。於理豈能久屈。

况以頃遭否運。忽然禍起蕭牆。嘉爾忠貞爲時柱石。一旦倡復讎之義。再振皇綱。三軍同左袒之心。竟清大憝。克登乃辟。宜茂厥官於戲。決大策濟大事。實古今之所難。以一德輔一人。尙始終之無間。欽予特命。惟乃之休。尋封酈祥侯。十二月。命與黎陵伐琴蠻。進封太師輔政。洪德元年。親征占城。充征虜大將軍。與黎念督舟師先發。破克闔槃城。擒茶全還京師。二年卒。後追封穆王。列以開國元勳。歷事四朝。再爲中興第一功臣。位望嶷然。自光順六年後爲督將。幾十年斷大疑決大論。上篤信之。朝野推重焉。

阮熾 真福上舍人。年十九。往藍山事太祖爲家臣。賜國姓。旣長。武勇出羣。帝愛之如子。使豢獵犬百餘。朝夕分食。以鈴聲鳴集給發。犬聽命進退。如一帝器之。以爲有將才。令管鐵突一隊。歲戊戌年二十二。從起義兵。周旋先後。備著忠誠。尙愛之。亂與黎禮從帝棲于至靈山。竭力侍衛。後累經行陣。戰於葵州哀牢。並有戰功。帝在乂安圍困北兵。分遣諸軍經略以適東京。拜熾爲上將軍。時年甫三十。自乂安山西與黎篆等合擊明成山侯王通於寧橋峯洞。大破北軍。斬其尙書陳洽。及士卒五萬餘人。進逼東都。軍勢大振。遣人奏捷清華。迎帝進御菩提營。越丁未與黎禮擊王通於渭洞。後軍不繼。二將乘象陷淖中。皆爲明師所執。禮不屈遇害。而熾見囚。因風雨夜以計誤守者得脫。歸謁帝。帝喜甚。呼曰。還生。復使領兵昌江之戰。督諸軍接應黎察等。遂破擒崔聚。黃福明人乞和。退師歸國。天下大定。順天元年。拜龍虎上將軍。封推忠保正功臣。二年策功臣論功在第五等。封縣侯。歷事太宗。出征入衛。累有功勞。太宗崩。與鄭可受遺詔輔仁宗。太和三年。爲入內都督。六月奉命將兵伐占城。寇破之。六年進少保知軍民事。延寧末。諒山王宜民弑逆篡立。熾時爲太保。與丁列。黎念等密

謀倡義誅逆黨范屯潘般等廢宜民迎嘉王卽位。是爲聖宗。光順元年進開府儀同三司入內檢校太傅平章軍國重事亞郡侯輔政。其制文曰朕惟倡大義以除凶既懋安劉之績位上公而論道宜疏胙土之榮穆卜剛時渙頌顯冊具官某氣涵剛大性稟沈雄佑高皇啓定之秋崎嶇百戰輔昭考寧成之日翊戴一心出入殫將相之勤始終堅臣子之節提身有道渾渾美玉之含章正色立朝凜凜大阿之出匣庶僚想其風采四海瞻其盛聲虞駕南巡款曲授托孤之詔義輪東上扶持盡告后之猷宗社奠安華夷率服顧承平之日久致武備之漸微盜起宮闈變生肘腋當國有非常之禍惟卿圖反正之謀父子一門共執言而討罪君臣十載親扶日以登天功豈讓於漢廷事有光於唐室三綱幾斷而復續兩曜已晦而復明仍加開府之崇兼重平章之職于以熙庶績于以弼一人於戲平內難正皇綱勳既高於宇宙代天工匡乃辟念宜篤於邦家繄我蓋臣奚煩多誥十月論功居第一封葵郡公三年加入內左相國尋進太尉熾子師回頗不謹上優容之五年十一月熾有疾帝賜諭曰昔朕藩邸朱鷁逍遙非心黃屋卿等同心推戴殄滅逆徒朕躬御乾元至今五載歌兒舞女卿未及於宋石高焦思勞心卿愈切於唐房杜厥功朕未酬報彌病卿何連綿卿當以國爲念則餧粥不可不調頤卿當以朕爲憂則藥石不可不瞑眩爾師回盡爾誠竭爾敬古人所祈天祭鬼可以逭災爾其思之其寵顧如此六年十月卒年六十九上痛悼贈太傅謚義武洪德十五年加贈嵩國公後褒封福神立廟本鄉。

陳元扞 立石人陳司徒元旦之後有學識精兵法閩胡失御吳寇南侵百姓塗炭扞深懷康世拯民之志常夜禱白鶴神祠見傘圓山寺神報白鶴神謂已命藍山人黎利爲安南國王因入清華

卷九 人物誌
名良之將

八

尋訪太祖委質事之。帝亦知扞才略厚相待遇。每預密謀。隨征討屢有功。進位司徒。歲己巳。帝令諸軍圍乂安城。以新平順化等處與乂安東都聲息久絕。乃遣扞與上將黎弩等將兵一千。象一隻。往經略之。扞等至布政江遇寇兵。卽引入險。設伏河荒以誘之。斬獲甚多。新平順化二城。軍民無不歸順。扞收其精銳數萬。以助王師。軍勢益大。丙午。上進圍東都。令扞領水軍百餘艘。出喝江順流而下。抵瀘江東步頭。破北將王通兵。收獲船艘百餘。器械無算。遂圍之。丁未秋。進拜太尉。遣與黎察等北攻昌江。時明指揮金胤李任等據城。與快州諒江等軍相拒。經六月餘。官軍不能登上。以援兵將到。命扞等急攻。扞等至穿地道。鉤戟勁弩。火箭大砲。四面合攻。不踰時拔之。胤任自殺。所獲金帛女子。盡以賜軍士。王通聞之。爲文致祭焉。纔十餘日。崔聚援兵果至。而城已陷。倉皇無所托。上旣命黎察等諸軍扼其前後。令扞掩絕其糧道。合擊大破之。斬梁銘崔聚。擒黃福。盡俘其士卒。上之與王通約和。會盟城南。一國頭目。扞名在第二。次於上。其見重如此。順天元年戊申。上大會文武臣僚。論功行賞。加扞左相國賜國姓。扞私語所親曰。帝越王之相。不可同逸樂。乞歸休。上許之。令每年二次朝覲。扞歸鄉。多營第宅。及造船載兵器。人或告其謀反。上使舍人力士逮問。船至山東社下津。扞忿怒祝天曰。臣與國君同謀救民。今大義已定。再欲加誅於臣。皇天有知。乞賜照鑒。言訖。忽然大風覆船。力士舍人四十二人。及扞皆溺死。惟家僮二人。浮木抵岸得脫。上詔收其妻子田產。仁宗延寧二年大赦。憫其無罪。詔免還田產。以表前勳。扞沒後。頗常靈異。方民立祠。歲時致禱。閏莫時追贈左將國忠烈大王。至今香火不絕云。

黎察

藍山被伍村人智勇並優從太祖起兵履歷艱險多有戰功歲庚子上追攻賊將謝鳳

於關遊寨遣察等擊大破之斬千餘人賊勢日衰甲辰可留關之戰與黎禮黎問等爭先陷陣大破陳智山壽軍直追至乂安城四面攻圍自此軍勢大振丙午秋上進圍東京分兵略各城察與黎受等北攻昌江進封少尉丁未春復召還屯守東京城南門六月加陞司馬遣與太尉陳扞急攻昌江九月拔其城明大將軍安遠侯柳昇將兵二十萬來侵且至帝命察與仁澍等禦諸境察等將兵象赴支棱隘設伏以待昇素輕我國人脆弱始來氣頗盛察謀示弱以驕之令諒山守將引戰誘深入城進爭關察等令本部出戰佯敗走昇親督前鋒追之入伏察等縱兵四面並起北兵大敗遂斬昇於馬鞍山及其衆萬餘級數日復戰又破斬其保定伯梁銘昇後陣崔聚等計無所出強引衆進且戰且行翌日察與戰復破斬二萬餘人牛馬軍器驢騾收獲無算時諸軍相繼俱至水陸包圍吳人堅壁於昌江田野間十月察等進攻大破之斬五萬餘級生擒都督崔聚尙書黃福等及其軍三萬人餘軍需不可勝計蓋自陳朝擒黃戾基烏馬兒以來南方得志於北方未有如斯之捷者因以所俘獲示東京城王通喪氣遂乞和斂衆歸國而天下大定矣是役也察功冠諸將順天元年戊申大封功臣賜號推忠贊治叶謀功臣入內檢校司寇平章軍國重事三年策功臣五十三員功居第二封縣上侯九年加號揚武靖難功臣進大司徒受顧命輔太宗紹平元年以元勳爲首相慨然以輔德修政爲已任數諫諍有匡益然本武人暗於大體直情徑行不顧其後上旣長聽斷益明察猶貪固權位上愈厭之御史丁景安承上旨劾其專權上令罷去其職爵察旣罷羣小憾之不已愈加誣構上亦忿之乃賜死於其家沒其田產察開國元勳死非其罪天下冤之太和十一年追軫其功給還子孫官田一百畝洪德十五年贈太保耿國公

卷九 人物誌

名良之將

七

十

黎銀 藍山潭奄社人。從高皇起兵。馬騏逼帝于洛水。銀與黎石等先登擊破之。可留關之戰。與黎察等並爲前鋒。大破賊兵。功最多。乙巳秋上方圍乂安。遣司徒陳扞等攻新平順化。繼命銀與黎義安將戰船七十艘浮海爲扞後援。遂定二處。收其兵象以助王師。上召銀等令留圍乂安城。自進攻宋都。斬柳昇降王通。遂定天下。而銀先攻拔乂安城。降指揮蔡福。與上會於東京。順天元年封推忠贊治叶謀功臣。入內司馬參預朝政。二年策功臣九十三員。功在第四。封亞侯。太宗紹平初爲司寇北道行軍都總管。與大司徒察同輔政。四年秋。上旣罷察。進銀首相。拜入內大都督歸化鎮驃騎上將軍。特進開府儀同三司上柱國。上使其制文曰。朕惟戎師之權。斯乃國之大柄。相府之職必賴世之阿衡。宜得其人。方稱是選。具官某。河岳間氣。廊廟大才。當乾坤草昧之初。覩聖人作。屬干戈擾攘之際。先天下憂。與國之讎。不共戴天。視民之溺。甚於由己。忠肝義胆。磨不磷而涅不淄。西伐東征。戰必勝而攻必取。險夷一節。艱苦備嘗。哀牢被圍。鋒刃之遊龍。髀靈山絕食。孤松之耐雪霜。卒能掃蒲藤可留之屯蜂。終而潰又安順化之聚蟻。西越數十年戰爭之地。草木知名。東都千萬古恢復事。惟和外攘則蠻夷率服。頃以皇天降割。先帝上賓。抱鼎湖之遺弓。身承末命。捧虞淵之紅日。扶上青霄。寵以輔導之勤。委以心腹之寄。是用榮陞帥府。峻陟台階。予以安兆姓而撫國家。予以統百官而總機務於戲。尊其位重其祿。朕旣委內外相將之權。上爲德。下爲民。卿其任社稷安危之寄。進其女昭儀爲惠妃。其冬十一月。有告銀家奉觀音佛爲女求寵。上命太監搜捕。收其奴婢考問。刑官希旨。附會成獄。具狀上列。賜死。籍其家。降其女惠妃爲修容。銀開國元臣。死非其罪。人多憫之。太和二年大赦。給還銀子田百畝。洪德十五年贈太保張國公。

黎仁澍 大慈縣安順社人。原姓賜國姓。少貧苦爲商販。宿神祠得吉兆。於是入藍山事太祖。爲次首鐵突騎將軍衛。義旗初起。衝冒矢石。出入行陣。宣力最多。丙申年太祖與諸將爲連名誥誓。約同休戚。仁澍預焉。甲辰可留關之戰。先登陷陣。大獲全勝。名振一時。乙巳春與黎禮黎察襲破北兵於平都城。賜爵通侯。丙午秋上方圍。父安遣諸將徇地。命將二千人出長安新興天長建昌等路。以絕方政李安歸路。丁未陞行軍督管。入內大司馬領前後左右四衛。兼知新衛軍事。賜傘一柄。其秋明柳昇兵至上。命仁澍與察等領兵象赴支稜。闢設伏以待。仁澍與察等叶謀。併力誘敵掩擊。遂斬昇於馬鞍山。繼又生擒崔聚黃福。盡覆其軍。沐晨以是奔北不敢下。而王通窮迫乞和。順天元年封推忠贊治叶謀揚武功臣。入內檢校平章軍國重事。其制文曰。朕惟君臣一體。股肱良而元首尊。輔弼惟人。棟柱隆而王室壯。眷時英輔。爲國盡臣宜陞揆席之華。仍握兵權之重。載頒制綺。具諗廷紳。具官某松栢之才。璠璵之器。方國家之遭多難。慮王業不可偏安。靈山之饑困。兼旬正衝厥盧。哀牢之間。鬪萬死弗顧。乃身救弊扶衰。圖回豆粥麥飯之社稷。除凶去暴。克清金戈鐵馬之乾坤。蒲藤可留之竹。破灰飛昌江。支稜之冰消瓦解。輔成大業。允著殊勳。創業惟艱。旣耆武功而戡亂略。守成不易。爰求賢俊以迪後人。是用擢冠武階。兼司邦政。上以忠君父下以恤軍民。嗚呼。爲舟楫以濟巨川。旣共脫風波之地。作丹書而藏石室。尙無忘盟誓之言。二年策功臣封亞上侯。名在第五四年轉入內司寇。六年太祖崩。太宗尙幼。大司徒察忌疾陰酖之。洪德十五年贈太傅梁國公。

鄭可永寧縣金杯人。賜國姓。年十八時往耕牧。憩上寺門外。明將自西都城來。愛其容貌。收養爲奴。久之相曰。此兒龍形虎眼。勇冠三軍。他日必秉旄節。俄又曰。他日逐我者必汝也。當亟殺之。

卷九 人物誌
名與之勝 納

十二

不然必遺患。可懼遁去。明人捕弗獲。監其父倦以致之。亦弗得。卽投于河。可夜潛行收葬。哀感忿激。切思復讐。聞太祖晦跡藍山。可仗劍從之。日見識拔爲鐵突次首歲丙申。上與親臣十八人聯名誥誓。約同休戚。可預焉。戊戌有掘發皇陵之變。可與裴備負草泗水。暗至敵船。竊得靈車以歸。上起義兵。可與黎文靈等同_是相將。先後捍衛。上以可通識哀牢國語。使賚牒告哀牢國王。資兵糧。其國王聽命。上既得助。以拒北兵。自此與敵人大小數十百戰。可皆摧鋒陷陣。大著勳伐。累拜太監丙午。上圍乂安。分命諸將徇地。可與黎篆等將兵二千出天關。徇廣威嘉興三帶。臨洮宣光五路。略地招民。以斷雲南援師。所至輒克。遂以孤軍直進。徑逼東都。明將見可猝至。出兵拒于寧橋。可擊破之。俄聞王通兵五萬自廣西來。可倍道兼行。迎擊於車驪橋。破之。俘斬千計。而黎篆丁禮合謀設伏。大破通於寧橋。卒洞軍聲大振。是時與篆禮皆一時名將。同心協力。互爲奇正。應變無窮。乘機趣便。如鷺鳥之決勁弩之發。以是戰無不勝。上自清化至東都。遣兵分徇諸縣。命可攻三江城。_拜少尉丁未春。御營次瀘河北。可圍守城東門。會明大將軍柳昇沐晟分兵三路而來。晟自雲南率師六萬下宣光。可將兵拒於梨花關。按險據要。奉密旨堅壁相持。不與戰。俄而昇敗死。晟失勢奔退。可乘之。大破其軍於冷溝。丹舍斬萬餘級。獲人馬以千數。王通遂請和還國。天下大定。順天元年。論功加金紫榮祿大夫。左麟虎衛上將軍。賜金魚裝銀符。上_五牢盤若昆孤新立。其臣軻賴不臣。昆孤進象求援。上命可出師。遂誅軻賴定其國。凱還。上羨其功。六年陞保正功臣。入內少保參知海西道諸衛軍事。太監內外諸役。其制辭有曰。仁睦三江。王通之腑落梨花冷水。沐晟爲之魂消。蓋兼獎其前功也。太宗紹